

# U OKM-U OBILJEŽENO ROĐENJE MUHAMMEDA A.S.



U prepunim prostorijama Omladinskog kluba muslimana u Islamskom centru Zagreb u subotu navečer, 4. 2. 2012. / 12. rebiu-l-evvela 1433. h. obilježen rođendan Muhammeda a.s. i time je završeno obilježavanje Dana mevluda i zikra. Okupljanje omladine je počelo na jacija namazu, a nastavljeno uz prigodni program kojeg su pripremili u sjećanje na našega poslanika, Muhammeda a.s.

Na početku programa sve je pozdravila Šeherzada Demić izrekavši toplu dobrodošlicu, a naš mladi Ahmed Alili proučio je odlomke iz Kur'ana.



Nastavak programa je protekao uz recitiranje Poeme o Poslaniku, kojeg je izveo Mersad ef. Krešić, kojem se omladina na ovaj način htjela zahvaliti što jako mnogo svog slobodnog vremena odvaja upravo za njih. Recitaciju je pratio instrumental kojeg je omladina odabrala i koji je tjerao slušatelja da se uživi u riječi ove poeme, te se barem na trenutak svojim srcem vrati u sedmo stoljeće, stoljeće u kojem je živio naš Poslanik s.a.v.s.

Poslije, kao šlag na sve ove Dane mevluda i zikra nastupili su članovi mektebskog zbora koji su predivno izveli dvije prigodne ilahije. A veliku pažnju je izazvala i naša omladinaka, prelijepog glasa, Ghalia Hammad, koja je uz pratnju gitare Adi Karamehmedovića izvela dvije kaside o Muhammedu a.s.

Da imamo dobrih govornika, a možda, i budućih Tarika Filipovića posvjedočio nam je Ermin Preljević koji je čitao opis poslanika Muhammeda a.s. i time nam dao sliku njegovog fizičkog izgleda.

Program je završio nagradnom igrom u kojoj se naša mnogobrojna publika zasladila lijepo pakovanim gurabijicama, koje su na pakovanju imale natpis jedne duhovne osobine Muhammeda a.s., a kada bi otvorili taj natpis mogli smo pročitati hadis Muhammeda a.s. na tu temu.

Voditelji programa Šeherzada Demić i Hilmo Demirović odabrali su četiri osobine, a onaj tko je imao slatku gurabijicu s natpisom te osobine morao je izaći i pročitati hadis, a za nagradu bi dobio CD naših Arabeski ili CD Povijest Islamske zajednice u Hrvatskoj.



Da se zna kako se rođendan Muhammeda a.s. obilježava, omladina je svoj program okončala režući tortu, koju je napravila majka Hilme Demirovića i kojoj se ovim putem zahvaljujemo. Rezanje torte je popraćeno učenjem salavata Muhammedu a.s., a kasnije se svatko mogao zasladiti s tortom i još mnogobrojnim slasticama, grickalicama i sokovima koje je donirao MIZ Zagreb. U jako lijepom ozračju druženje omladinaca je nastavljeno do kasno u noć. Kad su se razilazili svi su izrazili želju i nadu da će biti još ovakvih okupljanja. Inšaallah!



*Mirsad Krešić*